

Landesbibliothek Oldenburg

Digitalisierung von Drucken

**Dissertationum Medicarum De Connubio Astrææ Cum
Apolline, Circa Medicinam Forensem**

De Inspectione Cadaveris In genere

Emmerich, Georg Emmerich, Georg

Regiomonti, 1710

VD18 1310747X-001

§. XX.

urn:nbn:de:gbv:45:1-8856

Jus nostrum Prutenicum lib. VI. Tit. V. art. 1. §. 21. p. 909. etiam Medicos ad inspectionem requirit, quando dicit: So ordnen/ wollen und befehlen wir zc. daß welchen die Malefiz-Händel vertrauet und befohlen sind/ solche entleibte Persohn mit allem Fleiß von Amtswegen besichtigen / auch geschworne Aerzte/ da man die haben kan/ dazu nehmen sollen zc. Et paragr. anteced. expertissimorum chirurgorum vel peritissimorum Medicorum ad Vulneris dignotionem requirendorū, mentionem injicit. Conf. summarium Si hujus 20. Excell. Dn. D. Grubii. Doct. Welsch. in Rat. Vuln. judic. c. 15. idem sentit, quod ad quamcunque Vulnerum inspectionem semper vocari & requiri debeat Medicus examinatus & promotus, utp. qui plurimum habet Eruditionis, Doctrinæ & Experientiæ testimonium, & cui ob depositum in promotionis actu juramentum, certior habenda fides sit. Facultas Lips. Medica sec. Zitm. Medic. For. Cent. II. Cas. 61. p. 502. sequentem in modum respondit: Wir berichten/ daß wenn eine legitima Vulneris Inspectio vorgenommen werden soll/ allezeit ein Medicus examinatus, juratus & promotus, wie auch dergleichen Chirurgi, requiriret werden soll/ der Medicus und Bader/ so zu dieser Inspectio erfordert worden/ dergleichen Persohnen nicht seyn/ als ist mit dieser Inspectio nicht legaliter verfahren. it. Cas. 34. p. 449. Ob zwar diese Section und Inspectio Cadaveris nicht/ wie gebräuchlich und nöthig ist/ in Gegenwart eines Medici geschehen/ sondern bloß von einem Apotheker (welchem dergleichen zumahl nicht zukommt) Barbierer und Bader illegaliter verrichtet und von ihnen super lethalitate judiciret worden zc. Interim Medico unico periro soli, si chirurgorum copia non detur, itidem plenarie munus inspectionis legalis concedi poterit, cum finis per omnia obtineri possit, legitima scil. depositio in genuinā relatione speciei facti ac ritè concepto de eā judicio consistens.



§. XXI.

Cum verò non omnes sint coqui, qui prælongis cultris sunt præditi, sic multò minus reverà sunt Medici, qui Medicos se jactant, dum Medici ab imprudenti Vulgo & agyrtæ aliique nominantur sec. Vulgare: Omnes se jactant Medicos idiota, sacerdos, judæus, monachus, pharmacopola magus, hystrion, rator, anus &c. hinc in ardua hac re isti sunt adhibendi, qui non empirici, sed rationales sunt Medici, optimoque judicio præditi, in anatomia versatissimi, uno verbo: qui peritissimi habentur & sunt: Non enim hic de bubulo, sed de humano luditur corio, non de igne sub concavo lunæ disputatur, sed de Igne vitali agitur, qui si semel in innocenti extinguitur, nunquam accendetur, imò non de Spiritu cremato s. destillato, qui refarciri potest, sed de Spiritu hominis agitur, qui per imperitiam Deponentis in auram efflatus, nunquam revertitur; maximà ergo præcautione opus est; pro quibusvis quidem Medicis, qui artem sunt edocti, eamque exercent, præsumptio peritiæ est, in specie tamen præ illis qui examinati vel jam promoti fuerint. Ast superius nominati, agyrtæ quoque circumforanci, parabolani, calones, lixæ aliique hujus farinae, per imprudentiam nominati Medici ex ordine Medicorum & Peritorum in arte, hinc ad deponendum & renunciandum minus capacium, lege non invitâ, Autoritate insuper publicâ merito proscribuntur, quanquàm dolendum sit cum Waldschmid. in Epist. I. ad Dolæum: quod ejusmodi hominum, in perniciem aliorum natorum, genus semper proscribatur, interim semper etiam retineatur, cum publici maximo dispendio. An verò Senior l. juvenis Medicus ad testificandum ac inspiciendum cadaver adhibeatur, perindè esse puto, dummodo Senior judicio adhuc polleat, nec in ipsâ senectute juvenis s. juvenis existat, juvenis autem mente modò canescat, & in brevi ætate tempora compleverit multa.

C 2

§. XXII.

